




*J. Jacobi*  
*Carmin*  
*de*  
*Senectute, Humanae Immortalitate*  
*Wapn. 1556*





Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
LN 1665 8° copy 1







Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
LN 1665 8° copy 1



Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
LN 1665 8° copy 1



Early European Books, Copyright © 2010 ProQuest LLC.  
Images reproduced by courtesy of the Royal Library, Copenhagen.  
LN 1665 8° copy 1



23. 69. Rip:  
69. 69.

53. - 73.

DA Box

LN 1665

ex 1

M



Inter cetera mortalitatis incommoda, et hoc est, calig.  
mentium; nec tantum necessitas errandi, sed  
errorum amor.

Sen; l. II. de irā. c. IX.  
Rup; d. 3. Oct. 69.

572

Unius temporis honesta avaritia est.  
Sen; l. de brevitate vite. c. III.



Oratio operti est subsidium, Deo sacrificium, Demonum  
flagellum. nihil magis adversatur satanae,  
quam preces, quibus et pericula eius precaven-  
tur, et, quae jam ad primo inhaerent, tran-  
suntur. Aug. Rip. 2. 6. Oct. 69.

Dominus noster etiam in forma servi Dominus fuit.  
Aug.

C A R M E N  
D E A N I M A E  
H V M A N A E I M M O R T A L I

tate, indubitata certaꝓ corporis resurrectio-  
ne atꝓ leta vite aeternae per-  
fruitione.

Scriptum

A

I A C O B O I A C O B I  
Othoniensi.




H A F N I A E  
Imprimebat Andreas Gutteruitz, 1582.

N





INSIGNIA CHRISTIANI  
FRIS.





**A M P L I S S I M O V I R O ,  
N A T A L I V M S P L E N D O R E , D O .**

*Erina, humanitate omniumq; virtutum choro ornatissimo, D.*

**CHRISTIANO FRIS** de Borreby do-  
mino ac mecænati suo benignissimo

ἐν ᾠρᾷ.

**C**astalidum, Phrysum genus alta columna, sororum

**H**oc nostro sæclo, vir gen. rose, fuit.

**R**e probat eximiũ Phryforum nobile lumen

**I**ANVS, cui se Rex resq; suasq; dedit.

**S**cilicet vt doctus, Musas sic fonit amænas,

**T**estatur studijs hoc Heliconæ petens.

**I**lle scholas passim quot habet tua, **DANIA**, tellus

**A**ttalicis auxit templaq; diuitijs.

**N**emo potest igitur (nec dicere vera pudebit)

**O**rnare vt decuit nobile stemma tuum.

**P**ergens Mæonidas idcirco amplectere Musas,

**H**isq; faue & faueas, teq; imitere rogo.

**R**egia quandoquidem res est succurrere egenis,

**I**pse etiam id fieri vultq; iubetq; **DEVS**.

**I**ngenuas quærunt quicunq; fideliter artes

**S**edulus auxilio consilioq; iuua.

**I**nterea impulsus vestro quod nomine scriptum

**O**ffero, Mæcenas consule quæso boni,

I. I. O.

A 2

DE



61  
CARMEN  
DE IMMORTALITATE ANI-  
ma, indubitata certaq; corporis humani re-  
surrectione atq; vita aeterna.

26  
Do  
**S**Acra docent animas resoluta viuere carne,  
Membraq; v̄tura factō reuocamine vitæ  
Surgere, & æthereis subito considerare regnis.

Principio ille opifex hominum rerumq; repertor,  
In vasto reliquis animantibus orbe locatis,  
Sanctius his animal mentisq; capacius altæ,  
Quod voluit semper dominari in cætera, viuam  
Finxit in effigiem sibi, & altæ semina mentis  
Indidit, æternum quò se oblectaret eodem.

Ergo homines huius non claudunt finibus æui  
Vitam, degenerans quod Sadduceus ab almo  
Nomine, comprehenso quondam velut ense, negauit.

Adde quòd intentus formando dixit Adamo:  
Nunc hominem nostra decoremus imagine, neutram  
Excipiens partem, conflatos unde videmus  
Nos homines, ab eo quotquot producimus ortum.

Prospexisse Iouam, (falsò quod Marce magister  
Hæreseos clamas) cum prosperitate futuras  
Delitias animæ nec non cælestia tempe,  
Corpore posthabito, cuius terraq; mariq;

Casibus



4N I-  
e-  
e carne,  
ine vita  
e regnis.  
epertor,  
mam  
tis  
qui  
no  
ganit.  
amo:  
utram  
m  
ter  
bus

*Casibus exhaustis varijs multisq; periclis  
Infandum sentire nefas: num dicere fas est?  
Iusticia Domini qui servantissimus aequi  
Virtutisq; pia laudes id derogat omnes.*

*Saua Tyrannorum fuso tormenta cruore  
Incassum lato tot martyres ore luebant?  
Num frustra Antiocho nota feritate Tyranno  
Septem filioli patriæ tam legis amantes  
Corpora supplicijs tantis lanianda dederunt?  
Nunquid & ardenti, Decio cogente Tyranno,  
L A V R E V S in pruna sibi spem retinebat inanem?  
Corpora martyrijs summis lacerata canebant  
Extremâ reddenda sibi diuinitus horâ.  
Deniq; qua ratione anima aut quo nomine corpus  
Inferius fiat, non nostra mente videmus,  
Quò minus Ambrosia vinaci & nectare dulci  
In Paradisiaco cum Diuis victitet horto,  
Causa animæ subeat cum tot discrimina, totq;  
Perferat infandos hic sustineatq; dolores.*

*Forsitan ambiguas retrahat sententia mentes  
Posse suam tandem corpus conquirere formam  
Piscibus, alitibus, fuit & quod vermibus esca,  
Ne mirere tamen: sed contemplare coruscis  
Cælum sideribus, nec non quæ subiacet illi*

A 3

Telluris



6  
Telluris spheram, flores quæ promit amenos  
Innumeros, quæ tot fragrantæ procreat herbas,  
Tot stirpes, quas vel magnatum fercula querant  
Herculeus medicæ vel Pæan destinet arti.  
Cernis quot volucres mensurant æera pennis,  
Quotq; suis Pisces percurrunt æquora pinnis.  
Pinguia frugifera quot habent animalia terræ?  
Vita quibus præsens grata est & cultus agrorum.  
Omnia de nihilo, sed verbo condidit uno  
Hæc Dominus: Vires quis ei collapsa negabit  
Instaurare, suam vel quæ fuit indere formam?  
Confractos renouare scyphos & fusile quoduis  
• Aurifaber potis est talemq; inducere formam  
Quæ veteri præstat, nec eum labor ille grauat.  
Cur minus æthereum putrefacta ciere sepulchris  
Membra putas Dominum, et speciẽ sine labe perennem  
Reddere, cum valida quæ vult facit omnia dextra.

Deniq; præsentem vitam si claudimus æuo  
Tristius humana quid conditione futurum est?  
Nam quodcunq; pijs labentis degitur æui  
• Aduersum fertur (quod inenarrabile) duro  
Seruitio: infanda passim dititione premuntur  
• Atq; fame, sit eis ut vitæ nulla voluptas.  
Insuper iniusti generoso nectare cellas

Implent



Implent & Cræsi summa nituntur opum vi,  
Et clandestinis conantur fraudibus agmen  
Perdere cœlicolum fundoq; euertere ab imo.  
Ergo dies aderit rigidus quo Censor ab umbris  
Membra vocet iusta suspendens omnia lance.

Hoc solamen erit, quod & hic meminisse iuuabit,  
Quòd promissa Dei fidas sententia mentes  
Non fallat, cui tanta fuit clementia cordi.  
Hic promisit enim (damnato ad lugubre fatum  
Unius ob noxam mundo) ut noua cuncta crearet,  
Et maria & terras, tandem cœlumq; profundum  
Conderet & toto gens surgeret aurea mundo  
Quam sibi sublimem cœli in statione locaret.

O miseras igitur mentes, ò pectora ceca,  
Talia dicentis nulla si voce mouemur:  
Namq; fide maius, mira sub imagine, cœlo  
Js caput exeruit commendans Ezechieli  
Arida quòd ventis immisissis redderet ossa  
Viuida. dat mandata sacro sic ore locutus:  
Surgite cœlesti, vos ossa, iubente Iehoua  
Surgite, nymbisonis ne dentur verba procellis.  
Dixerat, affatu magno se murmure venti  
Eripiunt subito, tempestateq; sonoras  
Miscere incipiunt, tunc ossa recumbere campis

Quis



6  
Quis putet? at tanto impulsu (mirabile visu)  
Aëris & venti volitant raptimq; feruntur  
Per campos, magnam veluti miscenia pugnam.  
Sicut acerba manus quando in certamina stricto  
Concurrit gladio: Sic ossa vocantia carnes  
Mortua conuolitant socias exquirere partes.  
Ut quocunq; vides, nil sit nisi campus & ossa.  
Ossa quidem nerui motus sensusq; ministri  
Consociant, σκελετὸς robur sibi firmitus addit  
Carne, cum motus famulis compluribus, unā  
Multiplicis venæ & thecæ comitante catherua  
Aëria, hinc niuea cute circumdantur & artus.  
Attamen in campis vegetante carentia flatu  
Strata iacent, & eis vates defixus inheret  
Obtutu, nec res animum benè cognita turbat.  
Nam Deus AEolios vinclis & carcere ventos  
Solvit, fulmineo campos ut turbine persfent.  
Mortua tunc videas misceri corpora viuis  
Quæ velut instructis surgunt exercitus alis.  
Haud secus Empyreo cum fert sua sancta voluntas  
Perfacile est Domino, tabefacta ciere sepulchris  
Corpora, credentum patriaq; in sede locare  
Quis precor ex oculis hominū subduxit Enochum  
In Superum thalamos, nullus quo iustior alter

Nec



*Nec pietate fuit, nec fama maior honesta?*

*Sedulus intrepidè cœlestis semina lucis*

*Sparsit, primæum scelerisq; coarguit orbem*

*Deflexit qui spontè Iouæ de tramite recto.*

*Ecquis & igniferum trans æthera vexit Eliam*

*Flammanti curru & radiantibus intulit astris?*

*Ipse (fatebor enim) reges procereq; potentes*

*Noctes atq; dies propria in statione regebat.*

*Hic meminisse iuuat, cùm sit memorabile, facti*

*Edere quod placuit patrijs abiturus ab oris.*

*Dissectum tunica sicco pede transijt altum*

*Jordanum, fido solus comitatus Elisa.*

*Qui fruitur grato dulcis transgressus alumni*

*Colloquio, sese cui cuncta rogata daturum*

*Promisit prius æthereum quam scanderet axem.*

*Panditur interea domus omnipotens Olympi*

*Flagrantem cœlo currum qui misit ab alto,*

*Cuius equi rutulum mandunt sub dentibus aurum,*

*Fumeus afflatu de naribus æstus anhelò*

*Undat & ore fluunt contorto vertice flammæ.*

*Hunc Vates pius absq; mora conscendit Elias*

*Ac è conspectu Galgæ telluris, equorum*

*Lora tenens leuibus ventorum adremigat alis*

*Cœlicolas, comitem lachrymantem & multa parantē*

*B*

*Dicere*



6  
Dicere dimittens, memori sed pectora seruans:

Nam memor illius signis auroq, ridentem

Demisit pallam, ne non donatus abiret.

Atq, ait: extremum hoc abeuntis munus habeto.

Da tibi, ferto inquam, te nunc habet ista secundum,

Jamq, vale longum formose vale, inquit, Elisa.

Hac ratione tua patria bonitate benignum  
Consuluisse Deum fidei, cum languida, credas.

Humanas quod enim superesse & viuere mentes

Firminus esse potest magis aut memorabile signum?

Deniq, saluificus, si mens non laua fuisset,

Sapius ostendit uiuo paradiamate Christus.

Matris qua fuerat perdulci orbat a marito

Filiolum accelerans animam in sua membra reducit.

Filia Iairj Lethi que capta sopore

Sollicitat dextram dextra reuocatq, sub auras.

E gelidis, ubi iam moribunda putrescere membra

Incipiunt, tumultis Eleazar ire iubebat.

Prætereà vite summa argumenta futura

Attulit, exuijs trepidi quod onustus Auerni

Christus in hesternum rursus surrexerit euum,

Qui miseris aditus ad Olympi florida Tempe,

Diutorumq, aperit patriam sedesq, beatas.

Quid Styx exultas? ubi nunc tua tela? tui arcus?

Obliquaq,



Obliquaq<sub>3</sub> acies? Et tinctum hastile cruore?  
Ecce iacent tecum de quo victoria parta est,  
Ne tende ulterius: maneat iam meta furoris.

Imperium, redijt quoniam victricibus armis,  
Imponat finem cui nullus terminus cui  
Omnes, militiam nisi detrectare velimus,  
Vicimus: ut nulla possit nos ledere parte.

En erit ille dies Et ineluctabile tempus  
Adueniet properans, o terq<sub>3</sub> quaterq<sub>3</sub> beatos  
Christigenas, tantos qui percipiemus honores:  
Nam freta restituent homines in littore mersos,  
Et sua turriterens quæ clauserat ostia tellus  
Recludet, mæstis liber quò quisq<sub>3</sub> sepulchris  
Deposita veterum procedat mole malorum.  
Si diuersa sagax sua semina miscet in unum  
Rusticus, Et nullo passim discrimine spargit,  
Nonne sustandem speciei germina promunt?  
Atq<sub>3</sub> suum pleno producunt munere culmum?  
Cur minus humana varijs substantia carnis  
Sparsa modis, specie quam mors aboleuerat, igne  
Siue etiam rapidi violento gurgite ponti,  
Ocyus in vitam transformaretur eandem?

Cernimus in scrobibus Bruma torpescere plantas:  
Atamen in viam, resoluta emergere stirpem  
Frigore,



6  
Frigore, quis nobis vires non cedit easdem?  
Cum, licet innumeris morborum clade periclis  
Expositum bibulo tumuletur puluere corpus,  
Inde tamen validum niueoq<sup>3</sup> nitore resurgat.  
Nulla quidem prisca remanent vestigia labis:  
Qualis in hoc saeculo fragiles infecerat artus.  
Fermentoq<sup>3</sup> carent omnia pia corda vetusto  
Quò minus occultas possint committere fraudes.  
Ergo dies vitæ primus, primusq<sup>3</sup> bonorum  
Cum sua signa refert clangore sonante tubarum,  
Corpus perpetuis animæ sociabitur horis  
Et postliminiò direptos incolet agros,  
Agros quos Stygius nunquam vastabit Avernus.  
Hic licet à facie, non cæco enigmate, Magnum  
Ritè videre Deum, pariterq<sup>3</sup> videbimur illi.  
Sanctorum dulci vatum sermone fruemur  
Atq<sup>3</sup> patrum, memori qui nobis nomine clarent.  
O fortunatos nimium multumq<sup>3</sup> beatos  
Christicolas, quibus his liceat considerare regnis,  
Regna, procul gemitus, & quæ mala cuncta fugabunt:  
Seuus enim turpes nunquam meditabitur Orcus  
Insidias, sed erit captus vinctusq<sup>3</sup> catenis  
Victor eum quondam veluti constrinxit Iesus.

F I N I S.



utere quod sitis opibus, fuge nomen avari.  
Quid tibi divitiarum profuerit, si pauper abundas?  
Rep. 2. 7. Oct. 69.

cum tibi contigerit studiis cognoscere multa,  
Fac discas multa, et vita, nil velle doceri.



Non modo nihil augetur ingrato, sed, quod acceperit, eide  
vertitur in perniciem.  
Bernh. serm. I. de quadages.  
Rup. 2. 8. Oct. 69.

Religio peperit divitias, et filia devoravit matrem.  
Bernh. Rup. 2. 9. Oct. 69.

